

清末民初
史料叢書 第三四種

據民國二年鉛印本 影印

陳夔龍撰 俞陛雲等編校

庸 盦 尚書奏議
(五)

成文出版社 印行

中華民國五十八年三月臺一版

庸盦尚書奏議

全五冊

本書售價以當時發行有效
定價之書目價格或報價單為準

發行人：黃 成 助

臺北郵政信箱二二六〇五號

出版者：成 文 出版社

臺北郵政信箱二二六〇五號
永和鎮永和路一段一三五巷12弄14號
電話：九二二〇一〇號

印刷者：正 大 印 製 廠

三重市長生街二號之一

內政部登記證內版臺業字第一一四七號



有所權版

庸盦尙書奏議

卷之十四目錄

時局貼危敬陳管見以資補救摺

宣統二年四月初三日

遵旨查覆疆臣被參各節摺

宣統二年四月初三日

圍場廳審辦命盜重案徑解臬司勘轉片

宣統二年四月十九日

漠觀兩礦改由江省接辦摺

宣統二年五月二十五日

井陘煤礦運費請照臨城煤礦辦理摺

宣統二年五月二十五日

酌定司道以下公費並限制經費摺

宣統二年六月初七日

暫定督署公費片

宣統二年六月初七日

北運河上游要工修辦需款分別籌撥摺

宣統二年六月十七日

工關木稅歸并津關經費照數撥補摺

宣統二年六月二十五日

查覆山東萊海兩縣滋事情形摺

宣統二年七月十六日

遵 旨并案議覆確定行政經費摺

宣統二年七月二十日

試辦宣統三年預算編訂完竣摺

宣統二年七月二十六日

查覆路局道員陸緒聲被參各款摺

宣統二年八月初六日

籌議收回開平礦產情形摺

宣統二年八月初六日

整頓派赴各國游學生辦法並籌學費摺

宣統二年八月十七日

交代陸軍二四兩鎮並瀝陳地方情形摺

宣統二年八月二十日

庸盦尙書奏議卷十四

時局阡危敬陳管見以資補救摺

宣統二年四月初三日

奏爲時局阡危敬陳管見以資補救恭摺仰祈

聖鑒事竊維度勢審時端賴沈幾而觀變保邦致治惟在思患而豫防我

朝二百餘年

列聖相承法度昭明超越前古近自事變迭乘百度具舉因時損益不能不更易舊章然頻年以來朝野上下維新自強之說日盈於耳淬厲奮發之象百倍於前而民氣之囂張士風之隳雜軍紀之淆亂財政之艱窘非特無所挽救轉覺岌岌不可終日其故何哉良由中外情勢迥乎不同若使徒摹形式恐難免

削足就履之譏何能收舍己從人之效臣猥以庸闇之質荷蒙
先朝知遇之隆我

皇上倚畀之重厯官所至深用兢惕既有所見敢不殫竭愚誠
敬爲我

皇上陳之竊見今日列強環伺外交已甚棘手而內患疊起尤
屬可憂莠民煽惑聚衆滋事之案幾於無歲無之上年湘省亂
民又藉米禁爲詞竟敢於省城重地肆其焚掠雖當時幸能解
散不至燎原然可知人心思亂處處有一觸卽發之機民氣之
不靖亦由民生之日困也爲今之計宜以重農足食爲先務漢
臣賈誼之言曰使天下各食其力末技游食之民轉而緣南畝
則蓄積足而人樂其取其語雖迂濶按之事理實則非誣現在

各省曠土尙多擬請飭下度支部農工商部會同切實籌畫安
定章程奏請通行各督撫將所屬荒田概行招民墾種一切稅
斂之法十年內暫行優免統俟成熟後再行從寬議訂以示體
恤而廣招徠總期目前之窮民樂區處之得所將來之儲蓄歷
歲月而漸充如此則於治安之道思過半矣然以二十餘行省
之大四百兆人民之衆智愚不一賢否不齊必欲使處處成立
自治人人擔負責任誠恐未來之效茫如捕風徒見各省開會
演說舉代表上請願者紛紛擾擾不可究詰轉致宵小因以生
心耳今固不能朝令夕改亦宜整飭紀綱慎重措置俾黎庶知
服從之義政令泯反汗之嫌其中樞紐惟

朝廷實主持之此民氣之亟宜鎮撫者一也自科舉停罷而聰

明才智之士無不盡趨於學堂各省辦學之貲官私合計多或一二百萬少亦數十萬其所造就宗旨純正者未嘗無人而倡爲邪說搖惑觀聽者恒所時有近則東西洋游學生譯刊之書籍報紙往往以肆意譏評淆亂黑白陰市其句結煽亂之技雖經嚴飭查禁而輾轉傳播仍未能淨絕根株人心世道之憂所關甚大今既不能因噎廢食卽不得不亟籌補救之方擬請

飭下學部將一切教科書籍精心審訂務期範圍不過倫紀修明馴致夫君子愛人小人易使之成效凡有宗尙稍偏易滋流弊者一律擯而弗取俾免習焉不察誤入奇袤至學生出洋游學嗣後非中學已有根柢者概不准行以示限制仍責成各省督撫督率提學使將所屬學堂隨時認真稽察剴切訓迪設法

防範勿任濡染惡習致蹈匪彝此士風之亟宜挽救者二也各省編練新軍原以整軍經武乃軍人既難合格將領又復乏才於是干城腹心之任半以出洋學生承其乏其中品地不齊其不肖者無論矣卽有一二賢者亦於軍事毫無厯練坐此弊端百出不可勝言自前年安慶兵變後曾幾何時而新軍滋鬧之案見於粵見於蘇又見於江北雖肇事輕重不同而軍心不靖其象顯然不有以整齊之恐禍亂之萌正未有已竊謂目下兵學未興將才尤少兼之各省餉力大都勉強支持與其多養冗兵釀不戢自焚之患不如精練勁旅收以一當百之功應請就各省已有兵隊加意訓練其尙未照章編足之處暫勿迫以所難至約束各營士卒責在營官督率各營官長責在協鎮擬請

飭由陸軍部申明定章會同督撫切實考核隨時奏請勸懲持之以信賞必罰而戎行肅然矣此軍紀之亟宜整頓者三也各省財政現已逐漸清理就實在情形而論無一省不在窘鄉其稍能充裕不至竭蹶者曾無所聞焉夫各省庫藏如此艱窘而應籌之償款數鉅而期迫待興之庶政日出而不窮不有維持之策將何以善其後特自來理財之道不外開源節流二端當此民力已竭雖有工於心計者亦無所施其長惟有內外同心本大學末章生衆食寡爲疾用舒之義朝夕孳孳以圖之而已獨是地方稅國家稅章程現在尙未議定督撫既負行政之責一切支配應付不容不擔任經營部臣綜覈名實但宜問其爲公爲私耳用屬於私駁之宜也若用屬於公亦復拘守故常不

許絲毫通融挹注未免近於束縛馳驟之爲此後地方要政或以瞻顧而未遑舉辦勢必後時貽誤咎將誰執擬請

飭下度支部通籌全局力予維持此財政之亟宜規畫者四也抑臣更有進者方今時事日非人心日渙內憂孔亟外患隨之不徒我

朝數百年未有之艱難實亦中國數千年僅見之創局全賴朝野上下協力同心恪守職權共擔責任痛除扞格猜防之成見期挽遷延諉卸之頽風不驚虛名不爭近利庶幾辦一事有一事之益若惟是法令繁滋空文督責朝頒一條教夕定一章程事理雖甚分明而事實終多隔閡遽强奉行者剋期舉辦在大小臣工勉副功令救過不遑但求形式完全塗飾一時之觀聽

而於民生

國計仍未能息息相關長此遷流更難補救伏願我

皇上獨伸乾斷雷厲風行行政無論新與舊得失必究其要歸官
無論內與外職事各期其修舉務收循名責實之效永垂窮變
通久之規以培元氣而固邦基臣無任激切待

命之至所有時局阡危敬陳管見以資補救緣由理合恭摺具
陳伏乞

皇上聖鑒訓示謹

奏

遵 旨查覆疆臣被參各節摺 宣統二年四月初三日

奏爲查明疆臣被參各節恭摺覆陳仰祈

聖鑒事竊臣承准軍機大臣字寄宣統二年三月初六日奉

上諭有人奏疆臣縱庇私人濫殺多命請飭查辦一摺著陳夔龍按照所參各節確切詳查據實具奏原摺著鈔給閱看欽此當卽委派存記補用道袁祚虞馳往山西確切訪查茲據該道查明稟覆前來臣復加察核尙屬切實謹爲我

皇上縷晰陳之如原奏所云文水去年下令禁栽鶯粟又不勸令改種雜糧民遂大困今春播種時聚集多人哀乞縣官請寬禁一年濟急且援陝豫事爲比縣官不敢擅專請示於巡撫丁寶銓一節查山西文水縣爲產土最盛之區上年全省禁種該

邑亦曾改種大麥雜糧旋因鄰縣交城境內有偷種鶯粟地畝
官拏到案未究釋回又謠傳陝豫兩省栽種如常愚民遂希冀
復種適文水之開柵鎮有武樹福弓九湖卽弓酒壺二人素非
安分倡議立約糾衆以圖要挾今年正月徧散傳單入約者已
十餘村迫脅社首畫諾聚衆斂錢揚言如不允從卽焚燬房屋
首與爲難並有不待允准硬行播種者社首惶懼無策上書縣
官告急有生命危迫臨書哀號等語知縣劉彤光接閱此書並
不親往開導遽憑一二社首之言稟請撫臣派兵此乃肇事發
兵之緣起而爲原奏所未盡詳者又原奏謂該撫遣紳士二人
下鄉解散又恐人衆滋事密派黃國梁率兵彈壓行有日矣別
有夏學津者爲該撫之私人因文水事起思立功自見該撫遂

撤黃國梁不遣改派夏學津率兵以往一節查丁寶銓接據劉
彤光請兵之稟隨卽發交諮議局議覆當由該局派議員四人
分赴交城文水二縣勸解並先派馬兵二十名前往彈壓該議
員到彼演說數次勢不可遏且將官發告示撕毀該縣復據社
首等公稟電省請發重兵丁寶銓乃派管帶李逢春帶隊前往
兼派教練處幫辦夏學津同往指揮並無派遣黃國梁之事至
夏學津係江蘇武備畢業生在晉歷委陸軍差使現充教練處
幫辦光緒三十二年即經調任山西撫臣恩壽調晉差遣尙非
丁寶銓私人又原奏謂夏學津初至文水鄉民迎拜馬首力請
弛禁不應翼日兵次開市前奉委解散之二紳左炳南孟步雲
對衆演說民皆跪聽孟紳出語太厲前跪之武樹福弓九湖麾

衆起鬨聲大作夏學津隨縛武樹福至徐溝殺之弓九湖逸遂移軍開柵鎮以捕取逸犯爲名縱兵大掠逼死一寡婦輪姦一幼女垂斃一節查丁寶銓當派兵之始一面飭太原府知府周渤會同紳士左炳南孟步雲前往二月初八日先到開市卽開柵鎮傳集花戶曉諭衆仍跪求弛禁一二年周渤不允遂散越日孟步雲又往開導已有轉機矣乃交城之營兒村民齊赴開柵責以負約於是團體復結官紳密商始有擒渠解從之議遂定議十二夜兵發開柵十三日夏學津劉彤光亦偕紳士等同往兵隊繼至首將武樹福拏獲弓九湖聞風先逸因而大索陸續縛赴廟中者無分良莠共一百二十三人當搜索紛紜之際有因此損失財物者據該村報稱共三十七家抽查數處失物